

光緒重修安徽通志

重修安徽通志卷一百三十八

職官志

名宦二

統部

國朝洪承疇字亨九同安人順治二年以內院大學士經略招撫

江南拊循氓庶有綏靖之功

江南舊志

李猶龍字紫函陝西人順治二年招撫安池等郡調度有方平

白雲大溪諸寨皖人德之爲立祠

一統志

趙福星奉天人順治二年以都御史巡撫鳳陽四郡戡亂鉏奸

整飭吏治申雪冤獄又加意振興文教修飭學宮功績茂著南

江南通志

張文衡字巨烜奉天人順治三年徵甯兵備莅治清嚴待士以

禮繩豪胥以法嘗自箴其前楹曰戒怒省刑故人畏而愛之遷

江南按察使

江南舊志

馬國柱奉天人順治四年總督三省時江南入旗駐防兵與民

不相習國柱盡心撫輯令行禁止兵民相安

江南舊志

劉漢祚奉天人順治五年任左布政使持正表率才諳足理煩

劇

江南通志

李日芄字培原奉天人順治七年任安徽操江都御史時沿江

多盜日芄令五里置汛兵守之行旅晏然海寇犯京口遣將堵

剿斬獲甚眾刊定經賦全書創立書院來四方學者士民德之

一統志

李嵩陽字元佩封邱人順治七年以御史督學江南時士習靡

謫尚詞華棄義理嵩陽痛革之遵用傳注文體乃正

一統志

秦世楨廣甯人順治八年巡按江南墨吏蠹胥誅逐不遺理囚多所平反漕卒爲橫索贈無藝疏請立五米五銀法著爲令一統志

馬鳴佩奉天人順治十二年總督江南具幹濟才遇事精明果

斷獎廉懲貪靖山海巨寇釋善良之囚繫者江南舊志

蔡士英字伯彥奉天人順治十二年總督漕運疏陳漕政五事漕弊九事又請定水次領兌之規及裁領運都司十四年致仕十六年復起原職士英凡兩任督漕多所振刷釐革輓輸迄無

虧額江南舊志

李來泰字石臺撫州人順治十二年督學江南文學該贍所拔

皆孤寒知名士一統志

郎廷佐字一桂奉天人順治十三年由南贛巡撫升兩江總督

重修安徽通志卷二百三十八 職官志 名宦 二 統 郎

十六年海寇鄭成功入寇廷佐督厲將士調遣有方令崇鎮梁

化鳳大破賊兵於得勝門外南土安堵

江南舊志

李森先字琳枝平度州人順治十三年巡按江南置姦胥之虐

民者十一人於法又舉孝子節婦以興民行民大悅

一統志

陳培禎奉天人順治中爲江南左布政使以廉幹稱

一統志

麻勒吉滿洲人康熙十年總督兩江甫莅任值旱蝗倣行古埋

蝗之法又捐俸買蝗遠近負載而至量多寡受緝蝗漸絕歲不

告饑其爲治提綱挈領務有所振起凡藩臬郡縣學校營衛驛

遞場局市井一切利弊宜罷行者及舟車往來人物之數各有

品章條貫芟繁核實不苛不濫士民掇其尤著者三十八條錄

之於碑立祠祀之

江南舊志

阿席熙滿洲人康熙十三年總督兩江爲政清靜盡一吏民安

之會逆藩煽變劫建營房修造戰艦悉如期集事南討大軍絡繹過境席熙徵調供億號令嚴明所部安堵及任滿還京行臺

蕭然人服其操

江南通志

靳輔字紫垣襄平人由翰林學士巡撫安徽甫下車值歲饑穀貴疏請改折並檄屬郡仿耿壽昌朱子遺法復社倉以備災患逆藩之變皖駐重兵剿逆之帥經皖水陸絡繹輔轉輸糧餉造戰艦設營舍皆適機宜任七年擢總河去皖民懷之專祠奉祀

並崇祀名宦

一統志

徐國相字行清奉天人康熙十六年巡撫安徽時皖屬多水旱患國相下車卽請賑卹又請漕米改折蠲除耗贈修學宮復書院增置餘士田租復革除里排定徵收之法二十年疏請開墾之田寬限升科二十三年遷湖廣總督皖人建祠祀之

舊食貨志

甯縣修徐公  
祠案 新增

劉果諸城人康熙十八年督學江南謝絕私交釐正文體浮滑

委靡之習爲之頓改

江南通志

于成龍字北溟汾陽人康熙二十一年總督兩江貪墨吏望風  
解綬豪猾皆潛徙他境杜苞直滅火耗清營伍除蠹商創立虹  
橋書院檄取高才之士講習其中親自訓誨自奉儉薄有寒素  
所不能堪者以疾卒於官崇祀賢良祠諡清端

一類志

楊素蘊陝西人康熙二十六年巡撫安徽嚴懲墨吏以儆官邪  
又優恤士民威惠兼著

江南通志

傅臘塔滿洲人康熙二十七年以刑部尙書總督兩江薦賢能  
懲貪墨讞獄明慎摘發如神又疏請江南鄉試增廣解額三載  
卒官諡清端崇祀賢良祠

一類志

許汝霖海甯人康熙中督學江南手定甲乙釐定文體人咸服

其公鑑

一統志

高承爵奉天人康熙三十二年巡撫安徽時盱泗等州縣河流

泛溢修築隄防三十九年再任捐俸賑饑皖人獲濟

一統志

范承勳字蘇公奉天人總督兩江以鎮靜爲治人懷其德

江南通志

佟國佐奉天人巡撫安徽政尙寬平人吏浹和

一統志

邵嗣堯山西人康熙三十三年以參議督江南學政峻節清風

屏絕竿牘雅不喜冗長繁赜之辭所取制藝以簡質爲宗著有

四書講義傳示學者以勞卒於官士人立祠肖像祀之

江南通志

張鵬翮字運青遂甯人康熙三十四年督學江南三十八年擢

兩江總督整理兵民籌策河務並著成效雍正十二年奉

旨崇祀賢良祠

江南通志



張雲翼陝西人襲侯爵康熙三十五年總制江南在任凡十四年訓練兵弁有勇知方

聖祖仁皇帝南巡閱軍容整肅嘉獎賞賚江南通志

李鈞鐵嶺人康熙三十八年任安徽巡撫戢兵安民緩徵息訟立義學義倉又造江船以拯溺修馬橋以利涉遺愛甚多江南通志

張泰交字公孚陽城人康熙中督學江南刻苦勵操雖周親宿好莫敢干以私一菴志

常名揚正白旗人康熙四十年安徽布政使以所屬濱江洲地多為豪右侵奪而貧弱者至有無洲之稅親履丈勘還所侵地

江南通志

章秉法字程叔會稽人為江南掌印都司善治獄雖老奸宿豪以數言折其機牙莫不訥服屢被檄勘災監賑恩均弊絕江南通志

梁世勳延安人康熙五十年任安徽巡撫慈祥和易深恤民瘼其最著者皖城江磯險阻每遇風雨數十里無泊舟處勳捐金於城東五里外鑿新河四十里行旅便之一統志

卽廷極鑲黃旗人康熙五十一年爲督漕都御史肅清漕政官吏兵丁皆便之江南通志

穆廷斌山海關人康熙五十三年提督松江持躬清慎訓練嚴明藿食布衣自甘淡泊而以餘俸惠濟部兵江南通志

余正健字乾行古田人康熙五十三年督學江南衡文根極理要訓士諄切按州郡廉從數人而已升奉天府尹江南通志

施世綸鑲黃旗漢軍康熙中由淮徐道擢安徽布政使總督漕運革羨金劾貪弁除蠹役號稱嚴明一統志

尹繼善字望山滿洲鑲黃旗人雍正六年以內閣侍讀學士協

辦南河事務八年由江蘇巡撫署兩江總督十一年遷雲貴廣西總督乾隆五年再任兩江總督十三年參贊四川軍營事二十一年復任二十九年晉大學士仍管兩江總督及河務事繼善公正端厚前後歷任二十年愛民養士整飭吏治不尙嚴厲而吏民畏懼不動聲色而大小悉就三十年

召還入閣尋卒於位諡文端祀賢良祠

一統志

高晉鑲黃旗漢軍由知縣歷任河道擢安徽巡撫尋授江南河道總督擢兩江總督統理總河事授大學士仍管總督總河事老成敦樸體用兼優歷任封疆三十年勤以奉職誠以任事整飭吏治盡力民瘼吏不敢欺而民咸愛之卒於任

詔賜優卹入祀賢良祠諡文端

一統志

覺羅石麟滿州正紅旗人雍正四年授江甯布政使奏言泗州

被水所動賑銀二萬兩皆親往散給悉心料理無絲毫假手胥吏內有被災三四分者雖不蠲免錢糧向有賑粥之例酌量減散又無田代耕窮民草房被水冲塌棲息無所亦照成災例散賑每日自辰至午恐饑民難於守候並捐買餅餌使食得

旨料理甚屬妥協後終內閣學士

舊通志

程元章河南上蔡人康熙六十年一甲進士雍正八年任安徽巡撫奏稱民間訐訟多以首告欺隱爲詞於有業田戶藉端嚇詐紛紛擾累其有無欺隱田糧應請寬限半年自首升科又以鳳陽之靈璧縣被災七分府縣官匿不詳報奏劾革職九年疏報廬州府城內金斗河年久壅塞設法開濬民咸利之後升浙

閩總督

舊通志

趙國麟山東泰安人康熙四十五年進士雍正十三年由福建

調安徽巡撫管疏言壽州新分鳳臺縣田賦混淆既無魚鱗冊  
底可稽未免豪彊兼併愚懦包賠之弊應請履畝清查如有隱  
漏及避重就輕者准令自報其田少糧多之戶亦卽勘明歸正  
不得逾八月之限乾隆元年御史奏准州縣徵收錢糧照部頒  
定額刊印由單申送布政使核明分發花戶仍於錢糧完日繳  
送查核國麟以由單由司核發恐誤徵期併遲兵餉且花戶繳  
單不齊必差役催取或偶遺失更滋索詐現在每年照實徵簿  
刊易知單徵收日給發花戶甚屬便民似應仍舊部議從之安  
省舊置官田收租養馬歲入稻豆除驛站額租之外餘俱報出  
歸公兵部奏銷與正項無異每遇災歉民多賠累因奏請豐年  
仍照額收歲歉以收成分數核減至有馬田州縣通水者例碾  
米解省水腳向係州縣捐辦應請每石額給水腳米三升其不

通水州縣並請時價糶銀充餉官民均有裨益先是內閣學士方苞條奏南省地氣卑溼常平倉穀應請分別糶半存半糶七存三國麟乃請將安省所屬州縣不濱大江地氣高燥及卑溼而非最下之區仍遵存七糶三舊例其臨近江湖地形卑下及山陬嵐霧尤甚者糶半存半悉如議行尋擢刑部尙書

舊通志

潘思榘字絜方江南陽湖人雍正二年進士乾隆十一年由浙江布政使授安徽巡撫時鳳陽潁州泗州被災查勘賑卹區畫周詳復疏陳調劑災區三事極言鳳潁二郡之利弊一曰勸課農桑以警游惰二曰疏濬溝洫以備旱澇三曰稽覆流移以正風俗旋奉

上諭此乃根本之務歷年安省巡撫無有言及此者朕觀此奏甚嘉悅焉勉力妥爲之以俟汝三年之成也九月調福建巡撫十一月奏請

將安徽學田凶田義田三項免租部議不准行思渠官終福建

巡撫

贈光祿大夫謚敏惠

賜祀賢良祠

舊通志

晏斯盛江西新喻人康熙六十年進士乾隆元年授安徽布政使奏稱各省地方水旱災傷應請令督撫一面題報一面遴委大員親至該處率屬酌量情形先發倉賑濟仍卽題明加賑賑竣造冊報銷其應免錢糧數目或分年帶徵或按分數蠲免俱

確勘請

旨遵行再災荒蠲免錢糧卽將丁銀統入地糧銀內覈算蠲免二年奏豁潛山縣屬水衝沙壓地畝三頃有奇三年以安省地方被災廣闊倉儲不敷賑糶奏准將本省不被災州縣漕糧截留備賑

江北多游食之民每遇歉歲輕去其鄉惟寓賑於工人必爭赴  
鳳潁二府之睢水廬江之巢湖及六安滁泗等州之隄堰溪壑  
概應及時修濬動帑興工下部議行五年奏豁太湖縣虛報水  
田一十五頃有奇額賦尋丁父艱回籍吏民思之舊通志  
陳大受湖南祁陽人雍正十一年進士乾隆四年授安徽巡撫  
五年疏言廬鳳潁等府素稱盜藪地方官多避參諱匿或事主  
隱忍不報致蠹役表裏爲奸現在分案勒限嚴緝已報獲盜五  
十名

上以其到任未久

諭嘉之尋奏所屬二麥豐收而積歉後益藏宜裕陋剋造酒消耗最甚  
應行嚴禁又以高阜斜陂襍糧均不宜種惟旱稻一名畚粟其  
性宜燥產自福建安溪嘗遺購數十石分給各屬樹藝化無用



之田爲有用冬月令民閒搜掘蝻子斗給銀二錢興利除害爲

政率多類此後調江蘇巡撫終兩廣總督諡文肅

舊通志

楊超曾字孟班湖南武陵進士歷吏部尙書乾隆五年署兩江總督六年兼署安徽巡撫先是三年安徽各屬賑災銀米數溢於例屢經部駁布政使託庸請以司庫節年盈餘照數支補命督撫查奏至是超曾言此銀米無捏報弊以不應著賠之項設法彌補不可爲平應卽照數銷結

允之是年秋安徽臨淮鳳臺等二十四州縣江蘇上元江甯等二十六州縣水災超曾於安徽撥司庫銀八萬兩并鄰近州縣倉米十萬石備賑又動支司庫銀二十萬買米麥以供賑糶江蘇各屬倉穀見存及動用者約百餘萬又撥司庫銀十餘萬分別賑恤餘銀散給籽糧疏聞

硃諭曰料理賑務頗爲得法旋以父憂歸七年卒

賜祭葬諡文敏

李元慶先正  
車略 新增

衛哲治河南濟源人拔貢生乾隆十四年授安徽巡撫嘗奏言鳳陽向設委官六員嗣經裁去二員監督事務應歸鳳陽知府兼管其正陽大關卽以府屬通判就近稽查彈壓又以安徽甯池太廣六府州屬馬田租稻向係折米搭放兵糧其不通水路州縣俱折徵充餉後復改徵本色查徽州府屬嶺路崎嶇運腳浩繁請仍折徵充餉至徵收錢糧有以糧戶住阯完糧認人不認地者名爲順莊之法有於每里中用一滾單給甲內首名挨次滾催者名曰滾催之法於民多有未便奏請照舊辦理皆下

部議行

舊通志

朱筠大興人大學士珪之兄也乾隆十九年進士三十四年以

翰林侍讀學士督安徽學政嘗言學政與主試不同主試惟拔  
取真才學政宜隨時訓諭俾知勤學立品又以士必通經而六  
書訓詁宜先講習嘗校刊許氏說文頒行各學安徽文風丕振  
皆思讀書稽古廣益見聞實由筠倡之任滿回京諸生齋糧受  
業者甚眾

舊通志

閔鶚元浙江歸安人乾隆十年進士四十一年擢安徽巡撫時  
以鳳潁二郡節年災賑皆由安慶池州遠途撥運不若就近建  
倉儲糧以備急需而省運費奏請於鳳陽府壽州鳳臺縣及正  
陽關潁州府屬之亳州阜陽霍邱蒙城太和潁上等縣共建倉  
四百間分儲糧二十萬石以備賑卹又泗州舊城自康熙十五  
年淮河並漲淪沒水中州治寄居盱眙山所轄七十二堡皆在  
其北風浪阻隔官民咸多未便乃請裁鳳陽府屬之虹縣歸併

泗州卽以其城爲州治並下部議行尋調江蘇巡撫

舊通志

譚尙忠字因夏江西南豐人乾隆十六年進士由主事洊擢安徽巡撫清儉如寒士以忤和珅降福建按察使再遷雲南巡撫入爲侍郎卒

高宗稱爲正人可任事

姚鼐文集補遺碑新増

書麟字紱齋滿洲鑲黃旗人乾隆四十九年由署兵部侍郎授安徽巡撫五十年安徽旱災奏請截留漕糧五萬石並留關稅銀三十五萬兩有奇以備賑卹得

旨俞允并奏准將乾隆五十一年輪免安徽漕糧改於本年豁免復疏請設法清釐荒地如阜陽縣賦役全書開載荒地六千餘頃僅據報墾三千餘頃其餘已墾未報者自必不少屢次飭查未經勘實惟有稍寬年限立法清釐庶事不煩而民不擾且民間買

賣田地率多照契開界並不施弓查丈往往與糧額不符致啟  
爭訟應請嗣後將部頒官弓丈明畝數載入契內如有餘地照  
議定價值減半加增仍以所增之價一半入官一半給主則賣  
戶既免已往之罪又圖多得價銀必不肯扶同欺隱即買戶照  
額升科亦得糧清地實以免糾纏皆所樂從儻過割時不用官  
弓丈量卽照欺隱律治罪仍於每歲年底將清出報升頃畝應  
徵錢糧彙冊題報數年之後自可漸復舊業於國課民情兩有  
裨益奏入深荷

嘉慶五十二年十一月擢任兩江總督終太子太保協辦大學士

贈太子太傅一等男爵諡文勤

舊通志

陳步瀛字麟洲江南人乾隆二十六年進士由庶吉士改主事  
洊擢安徽布政使五十年江淮大饑莠民脅眾擄劫步瀛督吏

賑卹防捕盜賊全護疲困自夏沆秋末安徽得甯勞瘁成疾旋

擢貴州巡撫卒官

姚鼐文集墓誌銘 新增

王德字達齋滿洲正紅旗人乾隆五十二年任安徽按察使勤廉果決貪吏酷吏皆無以售其欺吏治肅然爲之一變嘗自言爲民上者聽訟易使無訟難非嚴禁架詞聳准無以清訟之源徒云明察猶末也因手諭告誡諄諄然如父詔其子百姓感悟復指名捕積年訟棍嚴懲之於是民間告田宅找價者不敢以盜賣爲詞告牲畜抵欠者不敢以糾搶爲詞告自盡求驗者不敢以兇毆斃命爲詞終德任凡二十有七月訟幾息又嚴禁囤積小錢出示曉諭有本使司立法務在日久遵循非暫時查禁可比云云旋升安徽布政使僅四閱月卽內擢刑部侍郎後終

兵部尙書閩浙總督

舊通志

孫士毅字補山浙江仁和人進士歷四川總督乾隆閒調兩江總督蕭縣碭山靈璧宿州時皆被水力管疏洩及撫卹事宜皆稱

旨仕至大學士嘉慶元年卒

賜諡文靖

先正事略  
新增

朱珪大興人乾隆十三年進士五十五年七月由吏部侍郎授安徽巡撫時以宿州濉河等處雨多河流陡長淹沒民田廬舍奉

旨馳驛赴任查看水災自都攜僕五人隨往及河舟不具與村民同渡驛無馬僅一弁策蹇來迂卽令前導不訶也尋奏被水輕重情形分別撫卹是年十一月馳赴宿州督賑計親給八千餘戶丁口二萬有餘各官分給無不認真經理其靈璧泗州五河等屬

亦次第查辦嗣是各屬偶有偏災皆親往履勘督辦如初凡歷年積欠未能遽完者屢請展限緩徵又修築無爲永成圩江壩以資保障民咸利之五十九年調撫廣東嘉慶元年復任安徽累升兵部吏部尙書皆畱任四年奉

召還朝仕至大學士卒

贈太傅諡文正入祀賢良祠

舊通志

荆道乾山西臨晉人乾隆二十四年舉人嘉慶四年擢安徽巡撫先是江蘇巡撫宜興奏請革除漕弊有

旨命道乾會同漕督實力查辦因議請嚴禁浮收酌加旗丁耗米至是復查察旗丁沿途浮費議請禁革又贍運屯田一頃每丁派田若干及應得租籽飭糧道刊刻木榜令取丁認田收租每船應領款項亦刊發易知由單給運丁親領以杜包領欺壓之弊其



老冊爲屯田根據向歸衛守備經管不足以昭周密應請照造一分發交各衛以備簽丁查驗之用其原冊改歸糧道收管俱得

旨報聞撫皖四年盡心民事清操特著嘉慶七年卒於任

舊通志

王汝璧四川銅梁人乾隆三十一年進士嘉慶七年授安徽巡撫七年五月奏稱潁州府屬阜陽縣幅員遼闊與豫省毗連奸匪逃竄最易潛匿應於該縣驛口橋集添設督捕同知一員并酌設營汛移撥弁兵以資巡緝下部議行八月以楚省應需兵米請於安徽湊解十萬石接濟尋奏請照嘉慶二年之例碾米六萬石解楚接濟十月因太湖縣續報成災奏請一體緩徵並將勘報遲延之府縣嚴參議處十二月宿州匪徒戕官滋事汝璧帶兵馳往勦辦淨盡奏入得

旨嘉獎八年

上以汝璧年力就衰改授內閣學士旋擢禮部右侍郎

舊通志

汪廷珍字瑟菴江蘇山陽人進士歷禮部侍郎嘉慶七年督學安徽爲學約五則以訓士曰辨塗端本敬業裁僞自立刻試牘曰立誠編附條約十八則抉摘至爲精密士風爲之一變道光初授協辦大學士八年卒

賜祭葬諡文端

先正事略  
新增

董教增上元人乾隆五十一年一甲進士嘉慶十二年擢安徽巡撫甫莅任清理積案凡親提及飭屬審結者不下數十百起又查明通省虧空奏請展限彌補十三年部議以甯國池州廣德各府州棚民種植苞蘆妨礙民田應卽勒令回籍教增奏稱棚民遷徙恐致失業惟飭該地方官嚴加管束無庸驅逐以滋

繁擾十四年以微甯各府巨室遠年世僕久經出戶往往藉端  
攻訐奏請以現在服役爲斷其出戶已及百年者一體開豁爲  
良得

旨俞允併募入則例遵行十五年調陝西巡撫後以閩浙總督  
子告卒於家

賜祭葬諡文恪道光七年蒙

賜祀名宦祠

舊通志

邵洪字海度浙江鄞縣人乾隆三十年以諸生迎

駕因洪祖基巡撫江蘇舊勞

欽賜舉人辛卯成進士由部曹游升至江西布政使嘉慶八年調安徽  
布政使其在江西時盡屏藩司陋例又節其養廉以濟公尤能  
約吏書搜剔弊端不遺餘力迨移皖一以治豫章之法治之終

其任無敢舞文弄法者是年夏入都

陸見面陳地方民瘼及通省營制情形以撫標兵少各鎮不歸節制猝有調發鞭長莫及卽奉

旨安徽巡撫兼提督銜並蒙

特恩豁免鳳泗等屬積年民欠錢糧尋以積勞成疾乞歸復起用至禮

部右侍郎卒

舊通志

鄂雲布伊爾根覺羅氏正黃旗滿洲人嘉慶間署安徽巡撫宿州舊有護城濠隄縣互八九里建自前明年久失修水道壅塞黃水驟至在在堪虞雲布奏准將濠隄二工同時挑築以資捍衛居民至今利之

舊通志

百齡字菊溪先世張氏從龍入關隸正黃旗漢軍乾隆壬辰進士歷左都御史嘉慶十六年授兩江總督治河以謹守東清壩

爲要義首疏海口乃求效於河凡五載黃流無倒灌患咸漲亦速消二十年捕獲逆詞惑眾之方榮升等百五十人於巢縣晉三等男爵旋兼署安徽巡撫卒官

賜諡文敏

先正事略  
新增

胡克家江西鄱陽人乾隆四十五年進士嘉慶十七年任安徽巡撫十八年因豫省教匪滋事安徽潁亳一帶毗連豫省調兵防守奏請捐廉協濟軍需得

旨俞允並加一級後湖北訪獲教匪孫家旺供出李珠朱元等俱在安徽阜陽地方克家拏獲李珠究出匪黨王三保徐良璧張烈文等分別懲治奏入

上嘉之尋調江蘇巡撫

以上  
舊志

重修安徽通志卷一百三十九

職官志

名宦三

統部

康紹鏞字蘭皋山西興縣人嘉慶四年進士由主事洊升鴻臚寺正卿十九年擢安徽布政使時安徽四十餘州縣皆旱紹鏞勸捐辦賑凡輸銀九十萬兩米麥七十餘萬石益以帑項數十萬兩荒賴以濟然藩庫止存銀三十餘萬其借支款項有出無入紹鏞嚴杜借支當奏銷時卽於州縣應領項畫抵正供二年之內庫存銀三百二十九萬八千兩有奇二十一年擢安徽巡撫簡卒伍教射藝於廬鳳穎屬扼要繕營房立巡船先後擒治劇盜李才楊七等五十餘人又於濰河北股河修隄堰以遏黃

水之由減水滾水諸壩駛入靈璧宿州者於無爲州築捍江隄  
千二百丈二十四年調廣東道光元年入署禮部左侍郎歷廣  
西湖南巡撫入爲光祿寺卿致仕十四年卒程恩澤遺集神道碑以下新修  
白鎔字小山順天通州人嘉慶四年進士十八年以詹事府中  
允授安徽學政

仁宗睿皇帝諭以汝學問素好故放汝安徽學政汝去考試須選拔眞  
才二十年遵

旨奏稱安徽民欠錢糧惟鳳陽泗州爲數較多該二屬瀕臨湖河每遇  
水漲各州縣多被淹沒請嗣後帶徵錢糧每年祇帶徵一年儻  
遇歉收再行遞緩得

旨允行又嘗撰正人心論一首發交各州縣刊示張貼至下學講書士  
林齊集常將孝弟忠信禮義廉恥八字就其切於該處士習者

諄切懇諭多有聞而心動歡欣領會者桐城童生左鳴岐前明左忠毅裔孫也年十三鎔特拔取之並勉之以詩青陽孝子徐守仁母歿廬墓鎔按試至池造廬賻贈並會同督撫題請建坊道光十一年以左都御史查勘江南災賑捐助千金平反多案又密保宿州知州周天爵可大任後卒如所言

史館鈔傳  
行狀

陶澍字雲汀湖南安化進士由編修歷給事中投川東道遷山西按察使道光元年擢安徽布政使三年正月授巡撫二月

上以安徽倉庫錢糧虧空五次清查尙有膠轕

命逐細確查籌定章程覈實辦理三月奏言查其致虧之由多係因公賠累展轉那墊惟有極力整刷酌議追補章程嚴交代禁流攤裁捐款凡三條是歲瀕江三十餘州縣水災區畫周至五年勘明壽州之芍陂城西湖鳳臺之蕉岡湖鳳陽之花源湖均可抽



溝入淮俾淮源強盛入蓄洪澤湖以敵黃又懷遠之新漲沙洲  
爲上游各州縣之患須再開引河數道奏請興辦入潁淮圩隄  
皆籌濬築又奏設各屬豐備倉創修安徽省志是年五月調江  
蘇巡撫十年總督兩江時裁鹽政歸總督管理澍奏省淮南窩  
價岸費場費淮北創改票鹽每歲暢行倍額溢課語在食貨志  
十九年六月卒官

贈太子太保

賜祭葬諡文毅入祀賢良祠十一月

上以澍整頓漕綱修復水利遺愛在民准祀名宦併建專祠

史館  
銜傳

鄧廷楨字嶢筠江蘇江甯人嘉慶六年進士由編修知府超擢  
湖北按察使道光初歷江西陝西布政使六年授安徽巡撫奏

明祖籍壽州

諭以遷居江甯業經五代毋庸迴避七年奏鳳潁泗等府州民動輒械

鬪經陶澍奏明收繳兵器今查私藏者尙多責成地保給限搜  
淨又奏派委文武巡防江面添築無爲州黃琦灘月隄九年以  
修安徽省志告成議敘添壽州考棚設立安豐塘古芍陂水門  
二十八座十年疏濬鳳陽沫河口增築隄閘十二年奏添設  
潁州府驛站舊例潁州府屬凶徒三人以上持凶器傷人者不  
分首從發極邊煙瘴充軍僉妻發配廷楨奏言潁屬婦女頗顧  
名節聞應僉配自盡全貞情亦宜恤下部議准停止僉配之例  
十五年奏裁符離稅口尋擢兩廣總督十九年調兩江總督旋  
調雲貴及閩浙二十六年巡撫陝西卒官

史館  
鈔傳

程楸采字鵝棠江西新建人嘉慶十九年進士授編修道光中  
洊擢山東按察使十六年授安徽布政使句稽官書設總冊及

簡明冊以杜借款轉轄書吏影射之弊設三印冊以杜交代糾  
總州縣挪掩之弊三四年中清釐節省至百有餘萬十九年授  
安徽巡撫二十一年江湖盛漲倡捐賑濟安廬池太等屬修宿  
松縣康公隄民德之刻石曰程公隄時海疆警壽春鎮兵調赴  
浙江請募廬鳳潁六安等府州壯丁練防

宣宗嘉之二十二年洋船駛江甯林采帶兵防蕪湖并募鄉勇千四百  
仍勸辦團練又條陳設防四事先後得

旨嘉獎

諭隨時體察酌量辦理二十三年調浙江巡撫未赴卒於安慶咸豐元  
年奉

旨入祀鄉賢祠

禮部奏案  
鄉賢錄事實

長喜字怡亭滿洲正黃旗人道光元年任安慶營副將訓兵輯

民交相愛戴民間有一文一武官如父母之誣文謂知府劉韻珂也兩署壽春鎮總兵十三年調江甯城守送者塞道後擢乍浦都統二十二年殉海疆之難

懷甯縣志

季芝昌字仙九江蘇江陰人道光十二年一甲三名進士由編修洊擢吏部侍郎二十三年提督安徽學政兢兢然恐無以育才厚俗上負

三 至知冥索章句盡拔其豪成就甚多二十六年受代遣

朝由倉場侍郎至閩浙總督病歸咸豐十年卒

會國藩撰墓志銘

王植清苑人進士道光二十三年授浙江巡撫旋調安徽二十四年二月抵皖撫任先是撫浙時遵

旨將浙皖接壤各縣棚民實力編查至是奏言棚民置有田產卽與土著無異見飭查將歷年既久確有冊籍可憑者按戶換給門牌

其新添之戶及無業游民概逐回籍得

旨認真辦理九月以鳳穎泗州各屬被水請飭各州縣買補倉穀外添買四萬石並勸紳富多爲積儲於冬春減糶得

旨妥實爲之又以鳳穎各屬棍匪滋多飭營汛一體兜拏并曉諭被害民人許以格殺勿論奏入得

旨除莠安良勉之又勉十一月校閱江北各營因奏陳武備事宜均如所議行二十八年各州縣災奏請截留藩關各庫銀兩備賑並做照二十一年寓工於賑之法修築沿江隄壩均得

旨俞允先是盱眙縣張公邵公大王廟諸隄年久淹廢植率同官紳捐修歷屆水患田廬攸賴咸豐元年授刑部左侍郎

命往江西查訊案件署江西巡撫二年因病開缺回籍行次望江縣卒

史館  
鈔傳

李星沅字石梧湖南湘陰進士道光二十六年由雲貴總督調兩江奏籌海外水師事宜五條二十八年秋江淮海并漲親籌賑撫戶部以連年蠲復絀於度支豫籌實庫策廷臣有漕糧改徵折色入銀京師於奉天陝豫採買以充倉庾之議星沅一再疏陳其不便事遂寢三十年正月

文宗御極授欽差大臣督師廣西咸豐元年四月卒於軍

賜祭葬諡文恭

先正事略

沈維鏞字鼎甫浙江嘉興進士累官湖北福建順天學政校外兼留心民瘼道光壬辰以左副都御史視學安徽次年濱江各郡水災與撫藩分籌備賑復捐廉佐事又以壽州鳳臺去郡數百里有長淮之險與總督陶澍巡撫鄧廷楨建議奏請更設試院於壽州下部議行甲午畱任進工部左侍郎丁酉差竣去

官前後凡五年馭士嚴肅而有凌轍庠序者亦必力持以直之  
所得優拔貢生多內行醜備博洽篤學不弊弊於文藝之末當  
塗為學習地尤為士民所懷嘗於去後立三翠螺書院以祀己

西卒祀鄉賢祠

曾文正國藩所作傳

蔣文慶漢軍正白旗人嘉慶十九年進士由主事游擢浙江按  
察使道光二十五年升安徽布政使歷辦賑務節帑愛民甚得  
政體咸豐元年四月護理安徽巡撫辦團練保甲飭屬巡江五  
月實投巡撫率獲擒匪多名二年粵匪竄湖南境江鄂皖省戒  
嚴皖兵六千分防汛地文慶請於江北鳳陽等府募勇二千以  
補兵力十一月賊竄湖北

諭安徽江西沿江一帶節節嚴防江防尤關緊要著蔣文慶仍駐省城

就近調度三年正月賊東竄總督陸建瀛於九江失利遽退金

陵安慶遂陷文慶死之

文宗以文慶登陣督戰疊受刀傷殞命尚不失城亡與亡之義照巡撫

例

賜卹祭葬祀京師昭忠祠並於安慶府城建立專祠給騎都尉世職

鈔傳同治四年御史載堉奏請

予諡下曾國藩等查明覆奏五年

賜諡忠愍

禮部咨文  
奏案鈔存

周天爵字敬修山東東阿進士道光四年選安徽懷遠知縣勸

民捐設豐義倉修築郭陂塘龍王廟諸工溉農田千餘畝八年

調阜陽有劾其殘酷者

命總督蔣攸銛查奏尋奏言天爵愛民如子嫉惡如仇

諭曰此等不避嫌怨之員最爲難得既據查明刑傷各犯皆凶惡棍徒

重修安徽通志

卷二百三十九

職官志

名宦

六

統部



著毋庸諱歷升宿州知州廬州府知府廬鳳道屢獲巨盜教匪治如律任安徽按察使甫一年升陝西布政使歷漕運總督署廣西巡撫咸豐三年

賞兵部侍郎銜協辦安徽防剿天爵於壽州募勇張鳳山等千二百餘人帶防正陽關旋投巡撫尋改授李嘉端巡撫天爵暫行署理仍以兵部侍郎銜辦理防剿天爵飭兵勇分捕宿亳懷遠蒙城靈璧等州縣擒匪斬牛文禮等五百餘人北路肅清親督義勇往廬鳳追剿南路餘匪嗣以廬州地居皖省之中形勢扼要奏准改爲省垣剿平定遠匪目陸遐齡賊巢四戰斬千餘級尋攻永城之火燒店獲擒匪首胡萬箱等又於張橋鎮雉河集等處先後斬獲著名賊目九月卒於軍奉

諭追贈尙書銜照尙書例賜卹加恩賜諡文忠無庸俟內閣擬請以示

篤念耆臣逾格衷忠至意

史館  
抄傳

國朝非翰林不得謚文天爵由

特賜異數也

嚴正基  
惻忠草

天爵出身科第而武技絕倫捕治盜賊懲戢豪強

人咸畏懾篤信良知之學治法一宗陽明在懷遠擒倪濤在阜陽擒李大喬孜在宿州興書院建考棚修橋梁在廬州治江壩振學校剿匪潁州卒於王市集百姓哭送數十里至今戶祝之中間罷官歸田躬耕自給親與其子磨菽云

懷遠阜陽合肥等  
縣志 宿州志

江忠源字岷樵湖南新甯舉人候選教職道光二十八年協剿新甯會匪出力以知縣揀發浙江署麗水三十年

詔各大臣保舉人才侍郎曾國藩以忠源奏入

文宗命來京旋丁父憂咸豐元年賽尙阿視師廣西調忠源隨剿轉戰湖南屢著勞績三年洊擢湖北按察使

命赴江南幫辦向榮軍務適剿辦通城崇陽嘉魚廣濟土匪先後就竣  
疏報起程並陳軍務得失八條得

旨所陳均切中機宜忠源行抵九江聞粵匪竄撲江西省城卽馳往援  
偕巡撫張芾力籌戰守九十餘日圍解擢安徽巡撫先是皖省  
自安慶被擾移省會於廬州府城至是江西下竄賊船復踞安  
慶並由金陵分股竄陷桐城舒城十一月竄撲廬州忠源力疾  
馳抵府城登陴嚴守分門布置賊掘地道經我軍迎掘破之疊  
敗撲城之賊殪數百名奏入

文宗以忠源病軀督戰疊挫賊鋒

優詔嘉其忠勇賊以地雷轟大西門開十餘丈逆眾擁上忠源督兵力  
禦卻之搶築復完疏陳其事及固守待援餉需不繼情形嗣有  
總兵音德布等援兵進燬賊營哨棚忠源分飭兵勇縋城接應

連日殲賊甚多越日賊撲小東門正抵禦聞忽水西門地雷轟裂八丈有奇賊乘勢入忠源督兵冒煙衝擊斃賊數百受傷無算賊乃退小東門之賊亦經擊敗

諭曰江忠源力保危城躬親戰陣督率將弁兵勇併力捍禦實屬忠勇可嘉之至賞給霍隆武巴圖魯名號既而援兵不力城中餉乏兵疲遂夜陷忠源力竭死之

諭追贈總督卽照總督陣亡例賜卹入祀昭忠祠於殉難地方建立專祠尋

賜祭葬諡忠烈世襲騎都尉兼一雲騎尉

史館傳廬州及湖南江西皆立專祠

會國藩撰碑文又請祀安慶省城忠義祠

懷甯縣志按江忠烈撰行狀會國藩撰神道碑銘李元度撰事略徐子苓撰廬州職守記

重修安教直志卷一百三十九職官志 名宦 統部

營遊擊整軍愛士表揚忠義咸豐三年安慶陷收集潰兵守集賢關殲洪家鋪逆股力拒賊首秦曰綱苦戰陣亡守備升謙滿洲人廣東都司伍登庸同死之

懷甯縣志

孫銘恩字蘭檢江蘇通州進士由編修洊擢侍郎咸豐二年提督安徽學政以賊竄池州等處

諭令傳諭各屬紳民認真團練銘恩將籌議情形覆奏四年三月命偕在籍前河督潘錫恩籌辦防剿事宜銘恩未奉

諭旨之前以親老多病奏請開缺回籍得

旨准其開缺回籍省親俟銷假時以三四品京堂降補四月太平府陷銘恩坐堂罵賊被執至金陵迫降不屈與其僕范源俱遇害事聞

賜祭葬從優議卹

贈內閣學士銜謚文節入祀昭忠祠世襲騎都尉

史館鈔傳

先是銘恩倡捐

千金募勇飭士民協力守城及賊至勇潰遂及於難

富途縣志

沈祖懋字念農浙江杭州府人道光戊戌進士咸豐五年簡任安徽學政皖北被寇深羣視爲畏途祖懋獨慷慨出使郵傳阻絕紆道輾轉至蘇州受關防奏請赴徽州甯國暫駐二府爲入浙門戶在徽五年弔死傷問疾苦士民親之然賊去來無常欲舉試事輒中止九年受代謝病歸

譚廷獻所撰狀

何朝亮廣東香山人安徽撫標守備洵升壽春中營游擊歷護總兵咸豐三年冬隨巡撫江忠源守廬州剿鳳陽巢縣賊股四年從提督和春剿賊廬州攻城奪隘五年六月和春督攻北關爲賊所困朝亮帶隊奮擊深入賊衝力竭陣亡經和春奏准

予卹並建專祠同治七年給事中潘斯濂疏請

賜諡飭下巡撫覆奏於十一年十二月

賜諡勇烈

英翰奏案

全玉貴貴州鎮遠人以黔卒從征粵賊爲都統烏蘭泰所器許升都司轉戰湖南從向榮剿賊金陵以功擢壽春鎮總兵時人比之唐代薛仁貴以其戰必衝鋒先登著白補襠以自標異也因受傷甚鉅令赴壽州本任調養未幾傷發卒於鎮

嚴正基樹忠草

何桂珍字丹畦雲南師宗進士由翰林院侍講於咸豐四年出爲徽甯池太廣道時安慶久陷改省廬州亦爲賊踞巡撫福濟軍廬州之店埠徽甯等府州暫歸浙江兼轄賊擾道梗桂珍不得之官福濟疏畱江北令募勇二百餘人率以西至霍山號召鄉兵三千有奇十月二日大破捻首李兆受於霍山城東追擊至麻埠又五日至流波瞳檄商城固始團練堵其北金家砦圍

棟禦其東而自率所部遏其西捻黨大懼兆受與馬超江等投誠散脅從萬計先是巡撫檄桂珍援廬江檄未至而廬江已先陷竟勅落職當是時桂珍猶以孤軍辦賊五年正月克蕪水旋克英山殄悍酋田金爵巡撫乃疏畱桂珍駐英山然八閱月僅支見銀三百兵民從者日眾益以兆受等降卒無所得食軍遂潰兆受以絕糧故不能無缺望又以超江爲土人所殺怨官不捕償益大恚設位哭捻黨聚議爲超江復仇於是皖豫兩省皆以兆受復叛聞懸賞購其頭兆受不自安詣桂珍自陳桂珍拊慰之稍稍定會巡撫有密書下桂珍先發制賊書爲兆受得謂賣已遂伏兵收桂珍於英山小南門焚尸颺之從死者四十七人同治三年曾國藩疏陳桂珍率鄉勇剿賊時窮餓艱危狀卒以機事不密爲叛人所戕天下冤之國藩并引爲己疚籲請



天恩旌卹得

旨賜卹祭葬諡文貞建祠英山世襲騎都尉

曾國藩求關文鈔  
兩江奏案 先正事略

金光飭字廉石

廉或作  
謙作蓮

直隸天津監生道光二十六年署定遠

知縣擒治西鄉械鬪匪首三十年補建平咸豐元年再調定遠

二年升壽州知州戢暴安良循聲卓著三年髮賊擾皖土匪乘

機蠢動光飭手刃數人亂乃定募勇千餘修城儲糧行保甲備

軍械守禦完整威名大振擢廬州知府搜捕伏莽鎮輯兵民以

道員記名加按察使銜銜色巴圖魯署廬鳳潁道七年擒逆犯

霍邱偪正陽光飭率眾追擊之移師壽州與髮逆陳玉成接戰

七晝夜力保危城圍解後進攻正陽在沫河口督隊連踏賊壘

渡河擊賊骸受矛傷舟覆死之奉

旨照布政使陣亡例賜卹並准於壽州建立專祠

賜諡剛愍給騎都尉世職十年哀甲三等奏奉

俞旨准於天津縣建專祠隨同陣亡之勇目呂祥邱常章黃悅祁祝  
祁和周洪姚山等附祀並給予光飭祖哭祖母胡父鎔母田二  
品封典同治元年二月

上諭查明忠良死節之臣再賜祭一壇七年七月

上諭擒匪全股蕩平加恩賜祭一壇用慰忠魂

定遠建平台肥等縣志  
壽州志 奏咨各案

鄧紹良湖南乾州廳屯兵由把總從征廣東廣西轉戰湖南湖  
北江南皖南歷官至浙江提督初咸豐三年紹良以壽春鎮總  
兵赴江南軍營擊賊屢有功四年四月髮賊竄太平府閏七月  
紹良攻克太平府卽駐其地十二月賊由蕪湖犯徽甯紹良由  
甯國出屯黃池過蕪湖內犯之路擊退逆首石峒淙五年正月  
蕪湖之賊復犯黃池紹良剿殲之二月賊竄徽州擾黟縣三月

陷婺源迫近浙江紹良奉

命赴援各路援兵均歸調遣至則選精兵破賊以次復婺源影石埭蕪

湖諸縣六年

命幫辦皖南軍務會賊陷甯國府紹良倍道往援七戰皆捷分兵六隊  
環攻各門遂復甯國府八年十一月在灣沚同總兵戴文英禦  
賊接仗力戰陣亡

贈太子少保銜謚忠武世襲騎都尉兼一雲騎尉子亨先

賞員外郎銜尋以員外郎用襲世職同治元年

賜祭一壇

史館鈔傳

李孟羣字鶴人河南光州進士廣西知縣軍功道員用咸豐四  
年曾國藩奏調赴湘帶水師隨同復岳州武昌陷孟羣之父署  
湖北按察使李卿毅死之

子諡愍肅世襲騎都尉孟羣丁憂

諭旨留營剿賊五年三月署湖南按察使六年隨官文再克武漢七年補湖北按察使以布政使遇缺題奏三月官文奏派帶兵赴廬州助剿途次授安徽布政使四月復英山六月復霍山十一月霍山再陷再復之八年二月自六安援固始解城圍三月平商城匪黨四月復六安七月

命暫署安徽巡撫帶兵駐麻埠是月廬州陷褫職留營進紮廬州之長城九年二月六安陷賊逼長城孟羣孤軍相持十餘日營陷執至廬州大罵不屈死之

賜卹如布政使陣亡例諡武愍同治元年

賜祭一壇照巡撫陣亡例優卹於廬州府建專祠并從祀伊父李卿毅

固始專祠世襲騎都尉兼一雲騎尉

史館鈔傳 按李孟羣有絕命詩四首並序

唐鑑字鏡海湖南善化人山東肥城籍進士由檢討御史改員外郎道光中爲安徽甯池太廣道調江安十府糧道潛研性道宗尙洛閩諸賢所至以是飭其躬亦以是隔於人時時延納人士入署親與講投設立義塾誨誘寒畯擢江甯布政使入爲太常寺卿致仕主講金陵書院

文宗召赴闕進對十五次中外利弊無所不罄

諭旨以其力陳衰老不復強之服官令還江南矜式多士咸豐十一年卒

賜諡確慎

曾國藩撰墓誌銘

福咸蒙古正紅旗人道光己酉拔貢河南知縣累擢江南鹽道咸豐九年調署徽甯池太廣道駐甯國府堵剿髮逆招集流亡十年府城被圍督率軍民固守待援自五月至於八月城陷接

戰受傷墜馬與縣丞沈煒幕友王聚昌家丁鄭榮等均死之

贈按察使銜照道員例優卹給騎都尉世職子員外郎銜峻襲沈煒江

蘇崑山人

贈鹽經歷銜卹廕如例

曾國藩  
奏案

翁同書字葑房江蘇常熟進士由編修洊擢少詹事咸豐六年  
幫辦德興阿軍務復揚州江浦浦口擢詹事七年克瓜洲以侍  
郎候補八年敗賊六合復來安授安徽巡撫督辦軍務尋

命幫辦勝保軍務皖境各軍均歸節制同書移營定遠派兵復天長疏

請嚴禁徽甯等府花會以絕亂萌九年疏請嚴定查辦卹典限  
期三月六安陷賊犯定遠勝保出戰同書夾擊大破之進復六  
安六月擒匪龔得撲定遠城陷同書移駐壽州疏陳練兵選將  
裕餉事宜派員剿撫潁屬民圩漸知悔過薙髮投誠十月以賊

踞明光淮鹽不得渡河請令皖北暫食蘆鹽又以皖北糜爛已極疏陳補救三策報

聞捻首孫葵心圍潁州同書派兵剿敗之乘勝攻髮逆於霍山復其城平霍屬之毛坦廠賊壘十二月髮捻合圍壽州擊卻之十年正月焚定遠之爐橋捻壘進擊舒城破王家海賊圩時河北團練響應擊髮捻巨股於全椒阜陽攻克各圩尋疏陳鹽利開屯之策並屯田六利旋攻拔程家圩收撫捻圩六十處逆酋陳玉成圍壽州擊退之密陳機務四事續陳五事

上臚其言收人才一條利少弊多餘將隨時措施十一年召來京以失守定遠壽州及紳練仇殺之事於同治元年

命褫職二年戊新疆三年都與阿奏准畱甘肅軍營四年有花馬池之捷旋卒於軍開復原官

贈右都御史謚文勤

史館鈔傳

賈臻字運生直隸故城進士河南布政使署安徽巡撫咸豐十一年駐潁州府髮捻數十萬圍城臻嚴防固守時有議權門捐者臻示停之誅內奸禦外寇籌兵食民心乃定守百餘日圍始解潁民德之

阜陽縣志

袁甲三字午橋河南項城進士由主事洊擢給事中咸豐三年幫同呂賢基辦理安徽團練尋署廬鳳潁道代領周天爵之眾破巨捻於高公廟加三品卿銜署安徽布政使疏辭布政使卽以三品卿兵科給事中剿辦安徽捻匪擒捻首鄧大俊孫重倫宮步雲馬九等十二月廬州陷四年擣蒙城賊走永城追及於蕭縣賊全股渡河甲三引軍遣

旨嚴飭之會賊由黃河南竄敗之於潁州於正陽關回軍亳蒙擣臨湖



鋪備雉河破義門移軍駐臨淮遏賊北竄超擢左副都御史六  
安團練復州城甲三請

恩免糧賦優敘助剿者分兵攻俞家灣擒其渠援六安軍蒙城敗蘇添  
幅等於寺覺集敗烏江踞逆於馬河遣參將劉玉豹舉人臧紆  
青由六安奪大小兩關圍桐城援賊厲至紆青戰死玉豹收眾  
退保六安

旨嚴飭之五年緣事罷職尋辨獲雪

命隨英桂剿辦河南捻匪時張落刑等分踞鳳嶺徐州各境圍亳陷懷  
遠蒙城夏邑虞城犯歸德會甲三之子編修保恆以三千人解  
亳圍甲三自永城亳州急抵雉河賊巢督陣摧堅累戰皆捷落  
刑僅身免

旨嘉獎著以三品京堂候補敗張落刑於大橋口於太清宮於十八里

鋪七年拔王鄧姚諸圩授太僕寺卿移師助勝保攻張落刑於正陽關分兵克韓圩十月偕勝保援固始八年二月解其圍進復六安宿南賊踞王家圩甲三自正陽移軍宿州襲殲賊首乘勝攻七圩

命代勝保督辦三省剿匪事宜擊張落刑於陳家莊走之派兵復豐縣連敗之於銅山一帶尋蒙毫賊竄歸德將窺周家口佯趨西北開封震動甲三令保恆傳振邦分道追及大破之豫境肅清九年正月派兵擊張落刑於草溝破其巢追至沱河溺賊無算

命來京供職旋以三品頂戴署漕運總督十月勝保丁憂命署欽差大臣關防督辦皖省軍務尋實授漕運總督

欽差大臣克臨淮關進擣鳳陽鳳陽府縣兩城相距三里十年正月並克之派兵克清江浦復全椒縣督軍圍攻定遠擊退援賊陳玉

成鳳境以清十一年遣兵破泗州靈璧之賊九月疏請派兵討

苗沛霖

諭甲三督同李世忠調派官軍會同賈臻田在田巖樹森毛昶熙等各  
路兵勇奮力追剿甲三遂檄世忠等攻壽州未至而壽州已陷  
甲三攻懷遠適張落刑將由長淮衛渡淮而北遂移軍擊走之  
駐軍長淮衛解散苗黨反正二百餘圩十一月克定遠十二月  
拔六合天長同治元年正月克江浦浦口四月遣將帶兵會將  
軍多隆阿克廬州府七月以病開缺回籍又疏稱苗練終難就  
撫二年三月果復叛

命甲三在籍會籌防剿時病已亟猶日議戰事六月卒

賜卹如例諡端敏陳州臨淮淮安並建專祠入祀河南鄉賢淮安名宦

祠史館  
鈔傳

李續宜字希菴湖南湘鄉人從其兄續賓討賊江西湖北積功  
洵擢道員咸豐八年續賓殉難三河續宜在黃州收集潰卒接  
統其軍自鄂援湘解寶慶圍十年東遷授安徽按察使駐軍懷  
甯桐城之間曰青草塌者大敗逆酋陳玉成於掛車河

賞二品頂戴十一年擢安徽巡撫調湖北

命駐湖北安徽交界督辦軍務旋調撫安徽同治元年

命幫辦勝保軍務時髮捻合圍潁州府已數月續宜駐師臨淮派提督  
成大吉總兵蕭慶衍渡淮援剿潁圍解派道員蔣凝學攻克霍  
邱剿撫各圩陰散逆黨選任賢吏安民墾田功緒漸彰

命為欽差大臣督辦軍務旋丁母憂疏請奔喪甚力

賞假百日回籍治喪途次病二年十月卒

論照總督軍營病故例賜卹並於湖南湖北安徽省城寶慶府城湘鄉

縣城建立專祠

賜諡勇毅三年金陵克復

恩賞績宜子光英直隸州知州

史館鈔傳 曾國藩撰碑銘

程鈺字琢堂江西鄱陽舉人大挑知縣道光二十一年補潁上先後十八載咸豐十年授徽甯池太廣道加按察使銜仍留署潁州知府同治元年調辦剿匪事宜二年病歸旋卒其任潁上也教養兼施除暴安良團練守城疊卻髮捻鈐制苗逆擒斬圩匪深得民心歿而見思同治九年奉

盲人祀名宦

潁上縣呈冊

姚體備字秋浦山東鉅野進士咸豐中從曾國藩剿賊安徽以補用道員辦理營務十一年署徽甯池太廣道駐於祁門時賊擾轄境力籌防剿撫綏難民威惠甚著同治元年秋巡閱徽甯

各嶺防蒙犯瘴疫卒於營次是年十二月曾國藩奏蒙

恩卹贈蔭如軍營立功後病故例

奏案鈔存

張鳳翥字鍊渠江西武甯拔貢從李續賓李續宜剿賊襄辦軍務者六年續賓兄弟深倚重之同治二年曾國藩奏署徽甯池太廣道駐於祁門三年浙蘇羣賊盡竄徽境鳳翥協同各營籌辦防剿得以保全旋撤祁門團練修學宮興書院與民休息四年實授徽甯池太廣道時湘軍駐防徽州府及休甯縣者有譁餉之變鳳翥不避艱險前往安撫事定調省憂勞成疾卒是年十一月曾國藩奏蒙

恩卹贈蔭如軍營立功後病故例

奏案鈔存祁門縣志

李文森字恕皆貴州鎮遠進士奉天知縣有循聲同治元年曾國藩以堪任師旅熟悉吏治奏調安徽行抵臨淮唐訓方委署

亳州知州時僧王駐軍亳東委文森讞案移軍蒙城雒河皆令  
隨往又委運銅礮至蒙城初帶勇百名二年僧王北行乃增募  
千人駐防東路蒙城告急引軍援之擢潁州府知府苗逆平僧  
王委運糧蒙城賑難民三年擒就撫復叛之小霸王者正法提  
所屬控府各案訊結多起修考棚課書院升授廬鳳潁道久旱  
禱雨獲應四年署安徽按察使旋署徽甯池太廣道先是吳坤  
修任徽甯道捐修鳩江書院至是文森請准月撥釐局銀五十  
兩考課諸生外給銀千兩墾田入書院收租爲永遠膏火修房  
二十餘間爲肄業所勒碑記之五年解官送部引

見改雲南委用道六年赴滇道卒年三十九安徽士民思其遺愛請祀

名宦

懷甯蒙城阜陽等縣志 行略 年譜 莫友芝集 雙溪詩文集

馮志沂字魯川山西代州進士由刑部主事洊升郎中咸豐三

年尙書許乃普以知兵薦奉

旨交山西巡撫差遣派防固關事竣回京十一年授廬州府知府勝保  
奏調隨營剿捻有功加道銜同治三年唐訓方調辦文案旋赴  
本任招集流亡撫綏教養禮賢課士謝絕餽遺清操自勵深爲  
曾國藩所器重累署鳳潁六泗道安徽按察使補徽甯池太廣  
道皆以清靜爲治廉威稱其職六年卒官幾無以斂行篋僅圖  
書千餘卷著有微尙齋詩文等集

贈光祿寺卿銜廕子知縣如軍營立功後病故例

合肥縣志 英翰  
奏案 馮氏家傳

陳濬字心泉福建閩縣進士江西南安府知府咸豐十一年曾  
國藩奏調來皖同治元年補安慶知府濬廉靜慈祥與民休息  
作勸士四則曰安貧篤行勤學勸善作戒訟五則曰惜財修睦  
達觀簡詞守法皆藹然仁者之言四年擢安廬淶和道五年送



部引

見改湖北委用道旋授武昌道卒

懷甯縣志

馬新貽字毅山山東荷澤進士道光二十九年署太和知縣寬

猛相濟嘉惠士林

太和縣志

三十年署宿松賑水災

宿松縣志

咸豐元年

攝亳州決斷如流公餘與諸生論文講經帶勇擣義門集鄧鴨

賊巢

亳州志

四年知建平縣築城浚池練勇籌餉以禦髮逆暇則

勸農課士吏畏民懷六年卸任祖送者三十里作長生位於向

公祠

建平縣志

調赴江北軍營歷安慶廬州等府知府洊擢安徽按

察使同治元年授布政使五年升浙江巡撫九年終兩江總督

贈太子太保銜諡端敏臨淮建立專祠

奏案鈔存

曾國藩字滌生湖南湘鄉進士由翰林仕至

武英殿大學士再任兩江總督同治十一年二月卒官先是咸豐

十一年八月克復安慶駐軍省城至同治三年六月克復金陵  
諭曰髮逆洪秀泉倡亂廣西於今十有五年竊據江甯亦十二年蹂躪  
十數省淪陷數百城欽差大臣協辦大學士兩江總督曾國藩自咸  
豐三年在湖南首倡團練創立舟師屢建殊功保全湖南郡縣克復  
武漢等城肅清江西全境東征以來由宿松克潛山太湖進駐祁門  
蕞復徽州郡縣遂拔安慶省城以爲根本分檄水陸將士規復下游  
州郡大功告蒞逆首誅鋤實由該大臣籌策無遺謀勇兼備知人善  
任調度得宜加恩賞加太子太保銜錫封一等侯爵世襲罔替並賞  
戴雙眼花翎尋

錫侯爵美名曰毅勇及是遺疏聞

諭曰曾國藩學問純粹器識宏深秉性忠誠持躬清正蒙

宣宗成皇帝特達之知洵升卿貳

文宗顯皇帝優加擢用補授兩江總督命爲欽差大臣督辦軍務朕御極後簡任綸扉深資倚任東南底定厥功最多歷任兼圻於地方利病盡心籌畫老成碩望實爲股肱心膂之臣茲聞溘逝震悼良深其追贈太傅照大學士例賜卹賞銀三千兩治喪賜祭一壇予諡文正入祀京師昭忠祠賢良祠並於湖南原籍江甯省城建立專祠生平政績事實宣付史館其一等侯爵卽著伊子曾紀澤承襲又

諭曰何璟英翰李瀚章先後膺陳曾國藩歷年勳績英翰李瀚章並請於安徽湖北省城建立專祠披覽之餘彌增悼惜曾國藩器識過人盡瘁報國當湘鄂江皖軍務棘手之際倡練水師矢志滅賊屢經困阨堅忍卓絕曾不少渝卒能萬眾一心削平通寇功成之後寅畏小心始終罔懈其薦拔賢才如恐不及尤得以人事君之義忠誠克效功德在民允宜迭沛恩施以彰忠蓋著於安慶湖北省城建立專祠

此外立功省分准一併建祠嗣是劉坤一請於江西省城張樹聲請於揚州府城李鴻章請於天津建祠均奉

旨俞允各疏均宣付史館今錄其事繫安徽及淮鹽者著於篇安徽巡撫英翰疏曰曾國藩督師幾二十年蕩平數省用兵以在皖爲最久功績亦以在皖爲最多當其由江鄂轉戰而前正值髮捻披猖接連一片江淮南北幾無完土曾國藩勵兵選將推賢讓能百折不回堅忍不拔先平皖南繼克安慶旋復廬州淮淝以南大江上下同時底定僧格林沁大軍得以專力蕩平北路曾國荃李鴻章左宗棠等因而分道並進肅清江浙克復金陵殄除巨憝是安慶一役實爲南北廓清一大關鍵安慶克復後曾國藩督軍駐劄整吏治撫創痍培元氣訓屬僚若師弟視百姓如家人生聚教養百廢具舉閭閻慶衽席之安父老忘亂離之

苦如是者又數年至同治五六年閒臣帶兵剿擒會國藩駐軍  
徐州一帶每有書問皖事猶諄諄以安民祭吏爲要務至今皖  
中一切措施遵其規畫皖民之安堵實皆會國藩所貽故一  
聞其病歿之信士民奔走婦孺感泣同聲請奏建祠實出愛戴  
之忱自昔疆臣湯斌于成龍而後未有若此感人之深者署兩  
江總督張樹聲疏曰軍興以來淮南運道梗阻引岸廢弛商逃  
竈困淮北迭遭匪擾票法全壞加以軍營提鹽充餉勢如亂絲  
會國藩於同治二年將南北兩釐次第整理三年正月奏定淮  
南新章八月奏定淮北新章以運商運鹽到岸弊在爭售則立  
督銷總局以整輪規場商收鹽入垣弊在搶銷則立售鹽總棧  
以保鹽價而大要尤在明於用人凡設局卡必求廉正練達之  
員不拘資格推心倚任故能同心襄助無弊不剔無利不興自

同治三年汧九年十二月前後七載淮南北共收鹽課釐銀二千萬兩有奇鹽釐錢七百萬緡有奇湘淮各軍轉戰數省軍餉半皆取資於兩淮課釐會國藩又以淮南引地爲

國家大綱所繫七年十年兩次奏禁川私爲南商廣籌銷路不遺餘力又與馬新貽商議奏停驗資以杜僨號之弊循環轉運至

今稱便

以上並見邸鈔

鄭魁士宣化人由行伍積功至總兵隨提督向榮追賊江南咸豐三年奉

旨督兵皖北迭克廬州三河巢縣廬江各處補壽春鎮總兵賞頭品頂戴沙拉瑪該巴圖魯勇號剿賊懷遠受傷

賞藥醫治旋擢浙江提督歷辦安徽甯國江蘇東壩軍務同治初督隊協剿直東署直隸提督因傷發回籍病故魁士治軍皖省每獨

當一面驍勇絕倫其馭眾恤兵仁嚴並濟子永祥浙江遊擊隨軍擊賊歿於廬州營次十二年奉

旨鄭魁士著交部議卹並加恩子諡

李鴻章奏案

吳坤修字竹莊江西新建人由湖南知縣於咸豐三年爲曾國藩所拔識隨營帶兵轉戰湘鄂江皖四省克復府縣城池二十餘處力扼湖口要衝剿辦皖南踞逆移防無爲廬江蕪湖會克九洲各要隘洊保題奏按察使四年署徽甯池太廣道補安徽按察使五年署布政使轉輸饌餉興學校建廨署辦城防六年回任七年署巡撫時皖軍剿捻坤修駐壽州籌協前敵軍餉整飭營伍經理善後悉竭心力旋補布政使仍署巡撫九年回任整頓吏治綜理餉需勤催科籌賑卹鉅細躬親積勞成疾十一年卒官

贈內閣學士銜蔭子入監以知縣用坤修好讀書喜爲詩刻半畝園叢書三十種著三恥齋詩集十卷在任時浚省城溝道置學宮禮樂器選諸生肄之又建忠義節烈祠曾文正專祠奎星閣大觀亭振風塔鳩江書院及修余忠宣李醜風墓皆捐資爲之

英翰奏案

管樂  
撰行狀

馬恩溥字雨農雲南太和進士咸豐十一年任安徽學政時軍興不能按試安慶克復後會國藩興復敬敷書院恩溥勤於課士刻有試牘士氣士習俱振終江蘇學政同治十三年卒於太

倉

採訪  
續冊

福濟字元修滿洲進士咸豐四年由漕運總督調授安徽巡撫時值廬州失陷前撫江忠源殉節之後福濟草創軍旅收集潰散與提督和春鄭魁士等勉圖恢復踰年攻克廬州府城又迭



克含山舒城三河巢縣廬江各城隘在皖五年爲江北保障嗣由西甯辦事大臣調任烏里雅蘇台將軍緣事落職其家屬俱在馬城殉節福濟回旂後以積勞病歿光緒元年奉

旨照巡撫例賜卹

李鴻章奏案

喬松年字鶴儕山西徐溝進士同治三年授安徽巡撫時賊馳突楚豫蒙亳六霍開一歲數驚松年駐劄臨淮外撻巨寇內靖土匪先後擒斬姚紹珍徐廣山王稀毛猴王廷用等居民賴以安堵鳳壽田畝荒廢按戶給發牛種又興復書院按月課士後調補陝西十一年卒於東河總督任奏請臨淮建立專祠並奉

旨予諡

諡爲毅恭  
奏案

鄧瀛字介槎福建上杭進士道光二十二年由御史出任甯國知府訊斷明決刁健之徒無不斂戢甯俗惑於風水親歿多殯

厝不葬瀛出示嚴禁並於考試日飭令保結內聲明有無親歿不葬等情分別收考詳請定章永革陋習遇水旱災捐廉倡設粥廠全活甚眾敬亭書院久弛重加整理捐助膏火手訂學規六條惟以力學敦行爲勸咸豐三年軍興設保衛局團練以故甯城獨障一面六年升徵甯池太廣道兼按察使銜緣事革職旋開復原官八年以奏參浙江道員許烺議降級離任去之日士民焚香泣送者踵相接云復抹訪冊光緒三年奉

旨祀名宦祠

裕祿奏案

英翰號西林薩爾圖氏滿洲正紅旗舉人咸豐四年以知縣揀發安徽歷署合肥鳳臺霍邱宿州及鳳穎同知事先後破平台肥賊壘收撫宿州賊圩各數十處同治二年在宿州任內又收撫到天福李勤邦劉天祥張慎德王瀾潮羅克有侯泳固及生

擒巨擒張落刑并其子張潛升補潁州知府加道銜苗沛霖叛圍蒙城率軍赴援攻克丹鳳集連破賊踞之穆家張蔡等圩又擊退濁溝之賊署廬鳳道接統蒙亳諸軍攻滄北賊圩破之復派軍助守蒙城別克高爐集斬擒首高加苗逆攻撲小澗集潁河南北營潰復會軍疊破賊圩斬逆黨慕玉宗奉有英翰在皖素稱得力令認真防剿之

諭旋隨僧忠親王分路進攻苗逆伏誅升授安徽按察使率軍扼雒河奉檄越境解湖北麻城之圍追賊六安霍邱聞克金家寨緣前事被議奉

殊筆改爲降五級畱任旋升布政使派軍敗賊於土門河楊柳灣漫水河黑石渡收降黃中庸等三千餘眾僞天將馬永和兵事作馬融和擁眾數萬乞撫爲請於僧忠親王許之於時潛太英霍肅清

賞給鏗僧額巴圖魯勇號四年賊陷高爐集團攻雒河英翰時在圍中  
夜率二十八騎突出至蒙城率援軍由果家圩李家樓進克高  
爐集會軍破賴汝光牛烙紅等於渦南破張總愚任柱等於渦  
北雒河圍解自是破賊於王家橋於黑虎廟於近仙店於大蔣  
莊於烏龍集五年賴逆等竄潁州會軍由大橋集進剿追奔至  
薛店逆復走宿州鼠懷遠渡渦掠下蔡又迎擊於陶王集棗木  
橋均大破走之升安徽巡撫布置各處河防六年派兵四千人  
援陝西簡精銳萬人赴山東會剿丁父憂疏請守制奉

諭墨經從戎改爲署理巡撫督軍馳赴運防敗賊於宿遷匪首劉泚張

淙張鳳山蔡志誠謝得洸王瀲等先後投誠復於盱眙擒獲偽  
衛王李允正法皖境肅清疏請回旗終制時張總愚竄擾畿南

奉

旨將此股賊眾蕩平再行扶柩回旗遂親督將士會湘淮各軍圍賊於黃運閒事平

賞太子少保銜輕車都尉世職八年穿孝假滿回巡撫署任是秋安徽水災籌款賑濟並借給各屬修圩經費九年服滿奉

旨實授自此至十三年先後擊獲蕪湖匪犯蕭國典合肥劉孝高子蒙城邵錐子舒城周炳和霍邱李昭仁張振科等共十餘名又於亳州擒獲捻逆宋景詩於廣德建平當塗擒獲孝豐竄匪彭節應李鳳岐呂和根趙錦源關雙淦金尙芝等數十名及首逆關汝淮均各正法而稽誅之捻首汪敦友粵逆僞輔王楊輔清則派員於河南福建擒獲之其剿除餘孽不分畛域如此光緒初升任兩廣總督因事落職旋授烏魯木齊都統卒官

昭太子太保銜賞還勇號花翎照都統軍營病故例從優議卹

賞銀二千兩人參六兩以慰其母又奉

諭加恩予諡并於皖省建立專祠英翰性至孝公餘養志如孺子其帶兵則罰必當罪賞恆浮於其勞故人皆願效死力事平以來培植士類歲費千餘金爲敬敷書院優獎擇其英俊者親教育之至豁達大度推誠待物尤有古大臣風焉

采方略奏疏邱報及太湖阜陽

邱涇陽蒙城英山各縣志集